

閩中樵聞卷十一

閩晉江陳雲程孫鵬輯

永春州

隋既平陳叔寶之子號鏡臺翁與宗族引兵南奔據桃林場之肥湖後承旨籍為民又有稱御史大夫者亦叔寶子隱於峭峯陳氏皆其後也

唐盛均字之才博物強記嘗病白氏六帖踈略廣為盛氏十二帖條貫百家頗資士林所好舍人皇甫煥以辨博自處每賓客及門必延飲證事屈者多自引去惟均終席時謂勅敵也官韶州

閩中樵聞

永春州

刺史

後唐天成間陳保極與弟元亮仕江南李氏陳元愷建永春縣記云詩人賦客則陳職方名擅梁國陳行軍聲騰江左蓋美保極兄弟也

丁溪在德化縣前丁方上為鰲山舊識云水盡丁羅簪纓宋元符中邑人林程買田開闢會於漣溪一夕雷雨忽決成丁字其子揚休果登第邑令贈詩有水從鰲頂分丁派人向蟾宮占甲科之句

陳知柔

字體

與秦檜子熿同榜進士檜當軸時前列十餘人皆以

攀援致通顯知柔獨不阿附性好山水自天台至會稽就其巖壑罷知賀州復留惠陽

紹興二年蔡茲爲建州貢院考官謂人曰吾取中一生策三篇皆欲爲朝廷措置大事他日必非常人乃朱晦庵也

蘇紹成德化人委業天慶觀後隱北山朱文公嘗造其廬書廉靜二字贈之且銘其琴曰養君中和之正性去子忿欲之邪心乾坤無言物有則我獨與子鉤其深

多暇亭在清和堂後飛杠跨水四面皆蓮塘知永春江公望賦詩云作吏如兼隱爲儒也解禪了然無箇事坐地自調絃

閩中撫聞

永春州

二

莊少師夏葬父鬼岫山宋光宗書錦繡二字賜之因改名錦繡及卒寧宗贊其像曰天生美質學業迢迢堅冰志操歷視三朝忠言逆耳書史所標宗祀繁衍百世不祧其受遇如此

蓬萊山迴環秀麗與錦繡山相對恍惚蓬萊故名侍郎莊夏居此魁星山古桃林場在焉其上有巖初名詹巖以宋陳樸顏應時登第改名魁星

明顏廷榘以詩翰得名判九江時探匡廬彭蠡諸勝登眺吟咏江州人以白司馬呼之年七十餘縱遊燕薊吳越間所至皆留詩紀勝

德化龍湖寺舊有鐘聲聞數里明末邑令某命移於醒龍樓未至
僧追及之以指彈者三撞擊之無聲矣

閩中撫聞

永春州

三